



REPUBLIKA E SHQIPËRISË
KOMITETI KOMBËTAR I DIGAVE TË MËDHA

KKDM/Nr. 90 Prot
Lutemi referoni këtë numër në përgjigje

Tiranë, më 22/09/2022

VENDIM

Nr.24, date 22 /09/2022

PËR

RAPORTIN 6 MUJOR NE LIDHJE ME GJENDJEN, MONITORIMIN, MIREMBAJTJEN DHE SIGURINE E DIGAVE DHE REZERVUAREVE TE KASKADES SE LUMIT DRIN QE ADMINISTROHEN NGA KESH

Në mbështetje të Ligjit Nr. 8681, datë 02.11.2000 "Për Projektimin, Ndertimin, Shfrytëzimin dhe Mirembajtjen e Digave dhe Dambave" dhe VKM Nr. 147, datë 18.03.2004 "Miratimin e Rregullores për Sigurinë e Digave dhe të Dambave", Komiteti Kombëtar i Digave të Mëdha (KKDM) në mbledhjen e datës 22.09.2022 mori në shqyrtim Raportin e 6 Mujorit të parë të vitit 2022 për gjendjen, monitorimin, mirembajtjen dhe sigurinë e digave dhe rezervuareve të kaskades së lumit Drin që administrohen nga KESH. Në mbledhje ishin prezent edhe përfaqësues të DSD/KESH. Gjatë mbledhjes u diskutua në lidhje me disa problematika të konstatuara gjatë shqyrtimit të këtij raporti si dhe kërkesave të KKDM në lidhje me përmirësimin e procesit të monitorimit, shfrytëzimit dhe sigurisë së digave dhe në mënyrë të veçantë monitorimin e masiveve rreshqitese të konstatuara ndër vite pranë këtyre digave. Ceshtjet e trajtuara ishin:

- Gjendja aktuale e masiveve rreshqitese pranë digës së HEC Fierze dhe digës së HEC Koman dhe problematikat e monitorimit të tyre
- Ecuria e projektit të financuar nga qeveria Zvicerane (Amendamenti 2) për Sigurinë e digave të kaskades së lumit Drin
- Ecuria e zbatimit të projektit të financuar nga Banka Botërore dhe KfW në lidhje me rehabilitimin e sistemeve të shkarkimit në HEC Fierze, HEC Koman, dhe HEC Vau i Dejes.
- Përditesimi i rregullores së shfrytëzimit, monitorimit dhe kontrollit të digave dhe rezervuarave të kaskades së lumit Drin sipas kërkesave të legjislacionit në fuqi dhe udhëzimeve të dhëna përmes Vendimit të KKDM Nr. 3, dt.19.10.2020.
- Vlerësimet e aseteve të digave dhe elementeve kryesore hidraulike të tyre

Gjatë diskutimeve që u kryen, përfaqësuesit e DSD/KESH shprehën disa konstatime për pasqyrimin e matjeve të monitorimit të masiveve rreshqitese në terren si dhe disa problematika në lidhje me analizat dhe konkluzionet e arritura në lidhje me gjendjen e këtyre masiveve dhe kushtet e monitorimit të tyre.

Gjithashtu, gjatë mbledhjes u diskutua edhe problematika e sedimenteve në rezervuarët e HEC Koman dhe Vau i Dejes si dhe masat e marra për zvogëlimin e ardhjes së tyre në to. Gjatë këtij diskutimi u vuri theksi në analizat që duhet të kryhen nga KESH në lidhje me këto problematika, kryerjen e matjeve batimetrike në këto rezervuare të shoqëruara edhe me analizën e përzierjes së këtyre sedimenteve si dhe konkluzione të duhura për menaxhimin e kaskades në të ardhmen në funksion të vëllimeve aktuale të ujit në këto rezervuare, rritjes së sigurisë së digave, ndryshimeve klimatike, zhvillimeve pozitive për monitorimin e rreshjeve dhe prurjeve të zonës në kohe reale.



REPUBLIKA E SHQIPËRISË
KOMITETI KOMBËTAR I DIGAVE TË MËDHA

Pas diskutimeve të të gjithë antarëve, KKDM

VENDOSI:

1- Ti kërkohet Korporates Energjitike Shqiptare

- **Verifikimin ne terren nga specialistet e DSD te te dhenave te matjeve te kryera ne masivet e Poraves dhe Gropaj prane diges se HEC Fierze gjate vitit te fundit si dhe plotesimin e sistemeve te monitorimit te tyre me te gjithë instrumentat dhe matjet e duhura.** Kryerjen nga specialistet e DSD, te pakten nje here ne tre muaj, te matjeve te nivelit te ujit tek piezometrat dhe zhvendosjeve perkatese tek Inklinometrat e instaluar ne keto masive. Keto matje duhet te shoqerohen me matjet gjeodezike te kokave te ketyre instrumentave si dhe analizen e hollesishme dhe te kombinuar te te dhenave te monitorimit per keto masive gjate 5 viteve te fundit. Pas analizes se kujdeseshme te rezultateve te monitorimit dhe plotesimit te sistemeve te monitorimi ne keto masive duhet te shqyrtohen edhe masat e duhura per konsolidimin e masiveve qe mund te krijojne probleme. Keto te dhena dhe analiza perkatese per masivet rreshiqtese si dhe per monitorimin e filtrimeve ne digen e Komanit te shoqeruara me grafiket e duhur dhe konkluzionet e nxjerra nga specialistet e DSD duhet te jene pjese e raportit Vjetor 2022 per gjendjen, shfrytezimin dhe monitorimin e digave te Kaskades se lumit Drin të kerkuar sipas nenit 28 të VKM Nr.147 dhe legjislacionit ne fuqi.
- **Pregatitjen e nje Raporti teknik ne lidhje me ecurine dhe rezultatet e projektit per Sigurine e digave te financuar nga qeveria Zvicerane.** Ne menyre te vecante, ky raport duhet te pershkruaje punen e kryer, rezultatet e arritura dhe mendimin e KESH jo vetem per plotesimin e kerkesave te amendamentit 2 te Marreveshjes perkatese te nenshkruar nga KESH, MIE, MTI, KKDM dhe perfaqesuesi i ambasadës Zvicerane ne Shqiperi ne Maj 2016 por edhe per mundesine e zhvillimit te projekteve te tjera per sigurine e ketyre digave ne te ardhmen . Ky Raport teknik duhet te dorëzohet per shqyrtim prane KKDM brenda muajit Nendor 2022
- **Dorezimin e dokumentacionit teknik te duhur dhe projekteve sipas faktit te zbatuara ne kuader te projektit te financuar nga Banka Boterore dhe KfW sipas kerkesave te legjislacionit ne fuqi**
- **Perditesimin e Rregullores se shfrytezimit, Monitorimit dhe Kontrollit te digave dhe rezervuareve te kaskades se lumit Drin sipas kerkesave te VKM Nr. 147, date 18.03.2004 "Rregullorja per Sigurine e digave dhe dambave", Neni 29 si dhe Udhezimeve te dhena ne Vendimin Nr. 3 te KKDM , date 19.10.2020**
- **Pregatitjen e nje Raporti te plote ne lidhje me vleresimin aktual te Aseteve te 6 digave te kaskades se lumit Drin.** Ky Raport duhet te dorëzohet prane KKDM brenda muajit Nendor 2022.

2- Ti kërkohet Korporates Energjitike Shqiptare dhe Ministrise se Infrastruktures dhe Energjise

- **Marrjen e masave te duhura dhe pregatitjen e programit te punes per kryerjen e nje kontrolli te plote per te gjithë digat e kaskades se lumit Drin dhe strukturat e tyre hidraulike ne perputhje me kerkesat e VKM Nr. 147, date 18.03.2004 "Rregullorja per Sigurine e digave dhe dambave", neni 37.** Perfaqësues të KKDM do të jenë pjesë përberese e grupit të punës. Programi I punes ne lidhje me kete kontroll duhet të dorëzohet pranë KKDM brënda vitit 2022.

Ngarkohet Sekretariati Kombëtar i Digave të mëdha (SKDM) si zyrë ekzekutive e KKDM për ndjekjen dhe zbatimin e masave të kërkuara në këtë Vendim sipas legjislacionin në fuqi.

Ky Vendim hyn në fuqi menjëherë

KOMITETI KOMBËTAR I DIGAVE TË MËDHA

KRYETARI

Arjan JOVANI

